

II - ARABAKO LURRALDE HISTORIKOAREN TOKI ADMINISTRAZIOA

PEÑACERRADA-URIZAHARREKO UDALA

Udal gimnasio zerbitzua emateagatik tasa arautzen duen zerga ordenantza behin betiko onartzea

Udalbatzak, 2025eko irailaren 16ko bilkuran, udal gimnasio zerbitzua emateagatik tasa arautzen duen zerga ordenantzari hasierako onarpena ematea erabaki zuen. Bestalde, 2025eko azaroaren 11ko osoko bilkuran, erabaki zuen behin betiko onestea udal gimnasio zerbitzua emateagatik tasa arautzen duen zerga ordenantza, behin 2025eko irailaren 26an egindako erreklamazioa ebatzita.

Toki Araubidearen Oinarriak arautzen dituen Legearen 70.2 artikuluan eta 1/2021 Araugintzako Foru Dekretua, irailaren 29koa, Toki Ogasunak arautzen dituen Foru Arauaren Testu Bateginaren 19 artikuluan aurreikusitakoa betez, osorik argitaratzen da arau berriaren testua, eta argitaratu ondoren jarriko da indarrean.

Erabaki honen aurka administrazioarekiko auzi-errekurtsoa aurkeztu ahal izango da Vitoria-Gasteizko Administrazioarekiko Auzietako Auzitegi Nagusiko Administrazioarekiko Auzietako Salan, 2 hilabeteko epean, iragarki hau argitaratu eta biharamunetik kontatzen hasita, Administrazioarekiko Auzien Jurisdikzioari buruzko uztailaren 13ko 29/1998 Legearen 46. artikuluekin bat etorritz.

Nolanahi ere, egoki iritzitako beste edozein errekurtso aurkez dezake.

PEÑACERRADA-URIZAHARREKO UDAL GIMNASIO ZERBITZUA EMATEAGATIK TASA ARAUTZEN DUEN ZERGA ORDENANTZA

1. artikulua. Oinarria eta izaera

Toki erakunde honek, Toki Araubidearen Oinarriak arautzen dituen apirilaren 2ko 7/1985 Legearen 106.1 artikuluan xedatutakoaren arabera, eta 1/2021 Araugintzako Foru Dekretua, irailaren 29koa, Toki Ogasunak arautzen dituen Foru Arauaren testu bateginaren 7. artikulua esleitzen dion ahalmena erabiliz, eta arau horren 18. artikuluan aurreikusitakoarekin bat etorritz, udal gimnasioaren zerbitzua emateagatik tasaren zerga ordenantza onartzen du.

2. artikulua. Zergapeko egitatea

Tasaren zerga-egitatea da udal-gimnasioko instalazioen aprobetxamendu berezia edo erabileraren pribatiboa, bai eta ordenantza honetan aipatzen den kirol-zerbitzu publikoen prestazioa ere, 1/2021 Araugintzako Foru Dekretua, irailaren 29koa, Toki Ogasunak arautzen dituen Foru Arauaren testu bateginaren 24. artikuluan aurreikutsita.

3. artikulua. Subjektu pasiboa

Tasa honen subjektu pasiboak, zergadun gisa, tasaren ezaugarriengatik, pertsona fisikoak dira; bai eta Arabako Zerga Orokorrari buruzko otsailaren 28ko 6/2005 Foru Arauaren 36. artikuluan aipatzen diren subjektuak ere, udal-gimnasioaren instalazioetan toki-erakundeak ematen duen zerbitzuaren onuradun direnak edo izatea eskatzen dutenak eta zerbitzuak eragiten dien horiek.

4. artikulua. Arduradunak

Arduradunei dagokienez, Arabako Zerga Orokorrari buruzko otsailaren 28ko 6/2005 Foru Arauak xedatutakoa beteko da, bai eta Sektore Publikoaren Araubide Juridikoaren urriaren 1eko 40/2015 Legearen 28. artikuluan ezarritakoa ere.

5. artikulua. Sortzapena

Tasa ordaintzeko betebeharra sortzen da subjektu pasiboak alta ematen duenean udal-gimnasioaren erabilera edo instalazioek dituzten kirol-zerbitzuen prestazioan, hori baita zergapeko egitatearen xedea.

6. artikulua. Zerga-kuota

Udal gimnasioko instalazioen erabilera pribatiboagatik tasagatik likidatu eta eskatu beharreko kopurua, horretarako ezarritako zenbatekotik aterako da.

1. Udal gimnasioko urteko bonuen tarifak:

- Gainerako erabiltzaileak: 55,00 euro.
- Langabezia-prestaziorik ez duten pertsona langabeak eta erretiratuak (pentsiodunak izan ezik: 50,00 euro.

2. Udal gimnasioko udako bonuen tarifak (uztaila, abuztua eta iraila):

- Gainerako erabiltzaileak: 35,00 euro.
- Langabezia-prestaziorik ez duten pertsona langabeak eta erretiratuak (pentsiodunak izan ezik: 30,00 euro.

7. artikulua. Aitorpena eta diru-sarrera

1. Zerbitzua emateagatik eta udal-gimnasioko instalazioak erabiltzeagatik eskatu beharreko kuotak urtero likidatuko dira urteko tarifaren kasuan, eta ekaineko lehen hamabost egunetan udako tarifaren kasuan.

2. Tarifen bilketa honela egingo da:

— Udako denboraldiko sarreraren kasuan: bonuak egiteko udal bulegoetan dagokion eskaera egin beharko da, eta Kutxabankeko kontuan (ES31 2095 4408 5510 9522 5685) banku-transferentzia egin ekainaren lehenengo 15 egunen barruan eta frogagiria udaletxean aurkeztu.

— Urteko bonuen kasuan (urtarrilaren 1etik abenduaren 31ra): abonatuak dagokien eskaera egin beharko dute udal bulegoetan, eta tasa urtero likidatu beharko dute, urtarrilaren lehenengo 15 egunen barruan, banku-transferentzia bidez Kutxabankera (ES31 2095 4408 5510 9522 5685). Udal bulegoetan aurkeztu beharko dute ordainketaren frogagiria, edo bestela, udalari idatziz eman beharko diote kobratzeko baimena.

Herritarrek tarifa errazago ordain dezaten, udalak tarifa helbideratzeko eskatu ahal izango du, eta dagozkion inprimakiak jarriko ditu herritarren eskura.

Aurreko paragrafoetan aipatutako 15 egunak igaro ondoren eta tarifa ordaindu ez bada, abonatuari baja emango zaio eta instalaziora sartzea debekatuko zaio, sarbide-txartela ezeztatuz.

8. artikulua. Indarraldia

Ordenantza hau oso-osorik argitaratuko da ALHAOn, eta argitaratzen den egunean bertan jarriko da indarrean, harik eta hura aldatzea edo indargabetzea erabakitzen den arte.

Peñacerrada-Urizaharrean, 2025eko azaroaren 28an

Alkatea

ALFREDO VICUÑA IBÁÑEZ